

Akilerartarnermut Aqutsisoqarfiup sullissinermit periusissatut siunniussai

Akilerartarnermut Aqutsisoqarfiup innuttaasunut suliffeqarfiutilinnullu sullissilluarnissaq qitiutippaa.

Sullissineq ataqatigiissagaavoq ima; Saaffiginnissutit ingerlaannartumik naammassillugit suliarineqarsinnaasut, Akilerartarnermut Aqutsisoqarfiup saaffiginnittarfiini suliarineqartarput. Saaffiginnissutit ingerlaannartumik naammassineqarsinnaanngitsut aqutsisoqarfiup immikkoortortaanut allanut innersuunneqartarput.

Akilerartarnermut Aqutsisoqarfiup anguniagarivaa, innuttaasut Akilerartarnermut Aqutsisoqarfimmut, ajornanngitsumik isersinnaanissaat atuisinnaanissaallu taamatuttaaq anguniagaavoq sullissineq inunnut ataasiakkaanut naleqquttuullunilu paasiuminartuussasoq.

Paasissutissat qarasaasiatigut ajornanngitsumik, aqutsisoqarfiup nittartagaani www.aka.gl –imi aaneqarsinnaassapput.

Innuttaasup misigisimassavaa saaffiginnissutiminut naapertuuttumik saaffiginnissutigisarlu qitiutillugu sullinneqarluni. Pisariaqartitsinerit naapertorlugu sulisut ikiorlutillu ilitersuutissavaatsit, ilinnut Akilerartarnermut Aqutsisoqarfimnullu sullissineq oqinnerpaajutinniarlugu.

Innuttaasutut suliffeqarfiutilittullu eqqortumik sullinneqarnissat naatsorsuutigisinnaavat, sulisunik tunniusimallutillu akisussaassusilinnit.

Innuttaasut ataasiakkaat suliffeqarfiutilillu inissisimanagerat pisariaqartitaallu aallaavigalugit Akilerartarnermut Aqutsisoqarfik sullissisarpooq.

Ornigullutit qarasaasiatigulluunniit saaffiginnikkaangavit Akilerartarnermut Aqutsisoqarfiup pitsaasumik angusaqarfiusumillu sullinneqarnissat tamatigut anguniagarisarpaa.

Akilerartarnermut Aqutsisoqarfimmi immikkoortortat aggorneri aporfiginagit suleriaaseqarpugut suliffeqarfittullu ataatsitut misigineqarnissaq kissaatigaarput innuttaasunullu kiffartuussineq ataatsimoorussa q aallaavigalugu suliaqartartutut isigineqarusulluta, suliassa q immikkoortortami sorlermi inissisimagaluarpuunniit. Eqqortumik sullinneqarnissat uagut akisussaaffigaarput.

Akilerartarnermut Aqutsisoqarfiup kiffartuussinermut nalerai:

Akilerartarnermut Aqutsisoqarfiup innuttaasunut, suliffeqarfinnut, piginneqataasunut allanullu Akilerartarnermut Aqutsisoqarfimmut attaveqartartunut sullissilluarnissamut naleqqatut makku toqqarsimavagut.

Attavigiuminartuuneq

Akilerartarnermut Aqutsisoqarfik innuttaasunit attavigiuminartuunissaa pingaaruteqarpoq tamannalu innuttaasut pisariaqartitaannik periarfissaannik kissaataannillu aallaaveqassaaq.

Sulisut innuttaasunut soqutiginnillutik sullissisarnissaat pingaaruteqarpoq.

Taamaattumik aqutsisoqarfimmi attavigineqarnissamut periarfissat nalilersorlugillu periarfissanik piorsaanermik ataavartumik suliaqartarpugut. Kissaatigaarput ornigulluni qarasaasiatigullu saaffiginninnernut attavigiuminartuunissarput. Kissaatigaarputtaaq qarasaasiatigut kiffartuussinerep annertunerulersinneqarnissaa, tassuuna innuttaasooq nammineerluni isumagisinnaasunngortillugu taamatuttaaq paasissutissat sapinngisamik amerlanerpaat innuttaasunit ajornannginnerusumik takuneqarsinnaalersinnissaat kissaatigaarput.

Akilerartarnermut Aqutsisoqarfiup suliarisartagaasa suuneri innuttaasunut paasiuminartuunissaat pingaaruteqarpoq.

Akilerartarnermut Aqutsisoqarfiup anguniagaraa, Kalaallit Nunaanni tusagassiuutitigut qarasaasiatigullu paasissutissanik, innuttaasut suliffeqarfiillu sapinngisamik amerlanerpaat angussallugit.

Sulianut pimoorussineq

Sullissineq sapinngisamik pitsaanerpaaq anguniarlugu suleriaatsit pitsanngorsarneqartarput. Tamanna ataavartumik pikkorissaanertigut, piginnaasanik qaffassaajuarnikkut sulianillu ataqatigiissaarinikkut anguniarneqartarpoq, taama ingerlatsinikkut sulisut suliaminnut pikkorissuseqarlutik naammassinnissinnaanerit angujumallugu.

Akilerartarnermut Aqutsisoqarfimmi sulisut atugarissaarnissaat, suliap nuannersuunissaa piumassuseqarnissaallu ataavartumik sammineqartarput.

Sullerissuseq

Akilerartarnermut Aqutsisoqarfimmi suleriaatsit sullerissaanerillu ingerlanneqartuaannarput. Tamanna immikkoortortat akornanni ataqatigiissaarinernik suleqatigiinnertigullu ilaatigut pisarpoq. Suliat

ataqatigiissumik qaffasissumillu suliarilluakkat anguniakkatut tunaartarineqartuaannarpoq.

Akilerartarnermut Aqutsisoqarfimmi suliassat assigiinngitsorpassuupput. Taamaattumik kukkunerit pinngitsoortikkuminaattarput. Tamanna pissutigalugu kukkunerit pinngitsoortinnissaat annikinnerpaamiitinnissaallu eqeersimaffigiuaannarparput. Kukkusoaqarsimatillugu iliuuseqarfiginissaat pingaarnerpaatut isigaarput. Kukkunerit iluarsiviginiarneri ammasumik unneqqarisumillu ingerlanneqartarnissaat naatsorsuutigisinnaavat, akornatsinni tatigeqatigiinnerup attatiinnarnissaa imaluunniit iluarseqqinneqarnissaa siunertaralugu. Kukkunerit ilinniarfigisassavagut taamaasilluta assinginik kukkusoaqarfiginissaa pinngitsoortinniarlugu.

Ajukkunnanngissuseq

Akilerartarnermut Aqutsisoqarfimmut saaffiginnittut sulisut ajukkunnanngitsut peqqissaartullu naapissallugit naatsorsuutigisinnaavaat. Sulisut atorfitsik pikkoriffigalugu sullissisassapput, Akilerartarnermut Aqutsisoqarfiullu pisortani suliffeqarfiuneranut naleqquttumik saqqummertarnissartik piareersimaffigissavaat.

Pissusissamisoorsoraarput saaffiginnittarfik allaffiillu ataasiakkaat kinaassutsimik aamma arlaannaannulluunniit attuumassuteqarfiusutut nittarsaassiffiussanngitsut, saaffiginnittoq sullissisorlu tamakkuninnga akornuteqaratik naapissinnaaqqullugit.

Ataqpeqatigiinneq

Akilerartarnermut Aqutsisoqarfimmi assigiinngisitsinnginnissaq ataqqisaraarput, tassunga ilanngullugit qanoq inuiaassuseqarneq, piorsarsimassuseqarneq, oqaatsit upperisaqarnerlu. Saaffiginnittup naatsorsuutigisinnaavaa inuttut akuerisaaneq, tikilluaqqusaaneq namminerlu oqaatsit atorlugit sullinneqarneq. (kalaallisut, qallunaatut, tuluttut)